

MAATLAFATSO E E ANAMENG YA BANTSHO MO IKONOMING

KITSISO YA TLHALOSO YA 02 YA 2024

MOKGWATSAMAISO WA GO KOPO KAKANYO E E SA TLAMENG KWA KHOMIŠENENG YA MAATLAFATSO E E ANAMENG YA SEIKONOMI YA BANTSHO

A. Matseno

1. Go ya ka karolo ya 13F(3) ya Molao wa Maatlafatso e e Anameng ya Bantsho mo Ikonoming wa 53 wa 2003 jaaka o tihabolotswe ka Molao ya 46 wa 2013 ("Molao") Khomišene ya Maatlafatso e e Anameng ya Bantsho mo Ikonoming (Khomišene) o tshwanetse go oketsa kitso ya mofuta le diphetogo le go rotloetsa temoso ya setšhaba mo dintlheng tse di amanang le maatlafatso e e anameng ya bantsho mo Ikonoming(B-BBEE).
2. Nngwe ya ditsela tse Khomišene ya B-BBEE e diragatsang taolelo e e umakilweng fa godimo ka yona ke ka go neela setšhaba kaelo ka go ntsha dikakanyo tse di sa tlameng ka tlhaloso ya tlamelo nngwe le nngwe ya Molao jaaka go laetswe ke ditlamelo tsa karolo ya 13F (3) (b) (ii) ya one Molao oo.
3. Kitsiso eno ya Tlhaloso e emisetsa Kitsiso ya Tlhaloso ya 01 ya 2016 e e simololang go dira go tloga ka letlha la go ntshiwa ga yone.

B. Se Kakanyo e se akaretsang

4. Kakanyo ke pono e e kwadilweng ya maemo a Khomišene malebana le setlhopha sa dintlha tse di neetsweng ke leloko lengwe le lengwe la setšhaba. Maikaelelo a kakanyo ke go thusa go tlhalosa ditlamelo tsa Molao le go tlamela setšhaba ka kaelo ya maemo a Khomišene e tla a tsayang malebana le dikgwebisano dingwe, ditumalano kgotsa ditiro tse di amanang le thotloetso ya kobamelo ya Molao wa B-BBEE, o o akaretsang Melawana ya Tiriso e e siameng le Melawana ya B-BBEE.

5. Kakanyo go ya ka Molao ga e tlame mo Khomišeneng ka lebaka la gore Khomišene e ka akanya seša maemo a yona nako nngwe le nngwe malebana le dintlha tse di tlhagisitsweng. Mo godimo ga moo, Khomišene e tla dira fela kakanyo e e ikaegileng ka dintlha tse di senotsweng mmogo le ditokomane tse di maleba, go kgontsha B-BBEE Khomišene go tlhaloganya kgang ka botlalo. Fa dintlha di ka fetoga ka tsela nngwe, Khomišene e ka boeletsa maemo a yona.
6. Maitlhomomagolo a Dikakanyo ka Khomišene ke go tokafatsa maemo a go tlhaloganya Molao, le go netefatsa gore o dirisiwa ka tlhomamo ke maloko otlhe a setšhaba go fitlhelela maitlomo a B-BBEE jaaka go tlhalositswe mo karolo ya 2 ya Molao. Go ikaegile ka makgetlo, mofuta le botlhokwa jwa kgang e e tlhagisitsweng mo dikopong tsa Dikakanyo, Khomišene e ka ntsha Kaedi ya Tiriso ka ga kgang e e rileng, e e tla phasaladiwang mo webosaeteng go tlamela kaelo go baamegi botlhe ba bangwe.

C. *Thulaganyo ya go kopa Kakanyo*

7. Go bona Kakanyo, Mokopi o tshwanetse go kwala lekwalo la semmuso a kopa Kakanyo kwa Khomišeneng a tlhalosang dintlha tsa kgang e go buiwang ka yona. Mokopi o tshwanetse go netefatsa gore kgang e tlhagisiwa ka mokgwa o o totobetseng le go o tlhaloganyegang, o o tla thusang ka bokgoni le go kgontsha Khomišene go tlamela Kakanyo ka bonako jo bo kgonegang.
8. Go ya ka seka-molawana wa 8(4) wa Melawana ya B-BBEE ya 2016, mokopi o tshwanetse go netefatsa gore lekwalo le akaretša leina la mokopi la semolao, aterese ya tiro, nomoro ya mogala, aterese ya imeile, nomoro ya fekese, mme fa motho yoo e se motho, leina la motho yo o dumeletsweng go samagana le kgang ya Khomišene ya B-BBEE.
9. Mokopi o tlokega go neelana ka ditokomane tse di maleba tse di amanang le kgang, tse di jaaka ditumalano tsa batsholadišere, makwalo a semolao a terasete, memorantamo wa kakaretso, ditshikinyo, go neelana ka matlole kgotsa mokgwa ma matlotlo, diokanokereme kgotsa dithulaganyo tsa mokgatlho, kwa Khomišeneng ya B-BBEE go tlhaloganya kopo ka botlalo. Ditokomane tse e ka nna dikakanyetso kgotsa

dikarolo tsa bofelo. Ga go kitla go ntshiwa Kakanyo fa go sena ditokomane tsa tshegetso.

10. Mokopi a ka tlhophisa go senola maina a batho ba ba amegang mo kgannyeng, mme batho ba ba tlhagisitsweng e le tlhokaina, tlhaloso e e siameng le go bolela motho mongwe le mongwe go a tlhokega go kgontsha Khomišene ya B-BBEE go tlhaloganya seabe sa motho mongwe le mongwe mo kgannyeng.
11. Kakanyo e tla neelwa motho yo o e kopileng ka totobalo, mme ga e kitla e dirwa teng go motho yo mongwe. Khomišene e tla tshwara Kakanyo nngwe le nngwe go ya ka ditlamelo tsa bophiri mo karolo ya 13L ya Molao, e buisiwa le molawana wa 13 wa Melawana ya B-BBEE ya 2016.
12. Mokopi o tshwanetse go romela lekwalo a kopa Kakanyo kwa Khomišeneng ya B-BBEE:

Ka setla: **the dtic** Campus, 2nd Floor, Block E, 77 Meintjies Street, Sunnyside, Pretoria

Ka Poso: Private Bag X84, Pretoria, 0001

Ka Fekese: +27 12 394 2535

Ka Imeile: info@beecommission.gov.za

D. Dinako tsa go tsweletsa le go ntsha Kakanyo

13. Fa kopo e setse e amogetswe, Khomišene e tla itsise mokopi gore e amogetse kopo mo malatsing a le matlhano (5) le go ntsha nomoro ya kgetsi go yo o rometseng kopo ya kakanyo go ya ka molawana 8 wa Melawana ya B-BBEE ya 2016, mme kwalelano nngwe le nngwe e e latelang ya kgang e e tla tshwaiwa ka nomoro ya kgetsi e e abilweng.
14. Khomišene ya B-BBEE e tla leka go ntsha Kakanyo mo malatsing a somaamararo (30) mmme fa kgang e raraane thata, lobaka lo ka atolosiwa, morago ga go itsise motho yo o kopileng ka lekwalo.

15. Motho a ka tsibogela Kakanyo e e ntshitsweng ke Khomišene, mme Khomišene e tla samagana le tsibogo mo malatsi a 30 le kwalelano nngwe le nngwe e e latelang.
16. Khomišene ya B-BBEE e ka tlhopho go tshwara kopano ya semmuso le mokopi mo malatsing a 30 morago ga go tsaya tsia kopo ya Kakanyo e le karolo ya go tlhatlhoba setlhopho sa dintlha tse di tlhagisitsweng le ditokomane tse di rometsweng kwa Khomišeneng ya B-BBEE tse di amanang le kgang.

E. Go Duedisa Dituelo

17. Go ya ka seka-molawana wa 9(2) wa Melawana ya B-BBEE ya 2016, Khomišene ya B-BBEE e ka duedisa dituelo tse di amogelesegileng tsa ditiro tse di rebotsweng ke kantoro ya yona go tsamaelana le molao le Melawana eo, e e akaretsang tuelo ya tlamelo ya Dikakanyo.
18. Khomišene e tshwanetse go phasalatsa mametlelelo ya dituelo ka kitsiso mo Bukeng ya Puso, morago ga go rerisana le Tona ya Kgwebo, Intaseteri le Kgaisano.
19. Khomišene ya B-BBEE ga e ise e phasalatse mametlelelo ya dituelo tsa tiro, mme e e tlamela mahala gajaana. Mametlelelo eo ya dituelo, fa e setse e tlhomamisitswe go ya Melawana, e tla phasaladiwa jaaka go tlhokega, go akaretsa le mo webosaeteng.

E. Bokhutlo

20. Khomišene ya B-BBEE e ikemiseditse go fitlhelela dinako tse e di bayang go tlamela Dikakanyo. Le fa go ntse jalo, seno se ikaegile ka gore mokopi o tlamela dintlha ka botlalo, ka mokgwa o o totobetseng le o o tlhaloganyegang, mme fa go tlhokegang gone a tshwaraganye ditokomane tse di maleba. Ka sekai, mabapi le dithulaganyo tsa go nna mong, go atlanegisiwa taekeramo ya sekema go nolofatsa kelelo.
21. Khomišene ya B-BBEE e ikemiseditse go netefatsa gore Molao o dirisiwa ka mokgwa o o tlhomameng go fitlhelela maitlhomamo a B-BBEE e e tshwanetseng go tlisa ikonomi e e akaretsang le e e golang go botlhe.
22. Dithata tsa Khomišene ya B-BBEE le go dira ka moo e bonang ka teng go ya ka Molao, go akaretsa dithata tsa yone tsa go batlisisa dingongorego, ga di amiwe ke tsweletso ya go ntsha Dikakanyo mo kgannyeng nngwe le nngwe e e totobetseng. Ka

jalo, tsweletso ya Kakanyo ga e a tshwanela go dirisiwa go tihomamisa tshwanelo ya ngongorego nngwe le nngwe e e tlhomiwang kgotsa e e tla tlhomiwang kwa Khomišeneng.

23. Batho ba ba akanyang go dira kwalelano e e kgolo ya B-BBEE ba rotloediwa jaaka go kailwe ke molawananyana wa 18(6) wa Melawana ya B-BBEE ya 2016 go batla Kakanyo pele ga dira kwalelano.
24. Khomišene ya B-BBEE e tla netefatsa gore e itsise diphetogo dingwe le dingwe mo mokgwatsamaisong o o tthalositsweng mo Kitsisong e ya Tlhaloso.

E ntshitswe ke Khomišene ya B-BBEE

Lwetse 2024